

Resolución do 2 de marzo de 2009, da Dirección Xeral de Ordenación e Innovación Educativa, pola que se fai público o resultado do sorteo a que se refire o artigo 34 da Orde do 17 de marzo de 2007 pola que se regula o procedemento para a admisión do alumnado no segundo ciclo de educación infantil, educación primaria, educación secundaria obrigatoria e bacharelato en centros docentes sostidos con fondos públicos.

En cumprimento do disposto no artigo 34 da Orde do 17 de marzo de 2007 pola que se regula o procedemento para a admisión do alumnado no segundo ciclo de educación infantil, educación primaria, educación secundaria obrigatoria e bacharelato en centros docentes sostidos con fondos públicos (DOG nº 55, do 19 de marzo de 2007), que establece a data do día 1 de marzo ou, de non ser lectivo, como é o caso, o día lectivo inmediatamente seguinte, como a data do sorteo público previsto na devandita disposición, na Sala A da Consellería de Educación e Ordenación Universitaria, edificio administrativo San Caetano, en Santiago de Compostela, e baixo a presidencia do subdirector xeral de Centros, ás doce horas desta data tivo lugar o devandito sorteo.

Conforme o resultado do sorteo, as dúas letras de prioridade que afectan o primeiro e, se é o caso, ao segundo apelido, para os efectos de resolución do desempate da puntuación final na orde de admisión do alumnado no segundo ciclo de educación infantil, educación primaria, educación secundaria obrigatoria e bacharelato en centros docentes sostidos con fondos públicos correspondente ao ano 2009, serán as letras Q e R.

Santiago de Compostela, 2 de marzo de 2009.

María José Pérez Mariño
Directora xeral de Ordenación e Innovación
Educativa

CONSELLERÍA DO MEDIO RURAL

Orde do 18 de febreiro de 2009 pola que se establecen as bases reguladoras das axudas destinadas ao sector equino para o seu fomento e desenvolvemento, no ámbito da Comunidade Autónoma de Galicia, e se convocan no ano 2009.

O sector equino é un dos sectores gandeiros con máis importancia histórica en Galicia. Ata mediados do século pasado, o seu papel como forza de transporte e traballo foi insustituíble, e o resto dos seus produtos tiñan a relevancia suficiente como para seren incluídos dentro da contabilidade agraria. Non obstante, a rápida substitución do equino como ferramenta de traballo debido aos avances tecnolóxi-

cos levou a unha importante regresión desta produción gandeira.

A pesar desta evolución histórica, o gando equino segue a ter un destacado papel no sector gandeiro galego, tanto polo censo destes efectivos como por seren estes capaces de aproveitar directamente recursos naturais fóra do alcance doutras producións gandeiras. Precisamente esta capacidade levou á xeneralización en Galicia dun sistema de crianza peculiar consistente na explotación en extensivo e completa liberdade. Este sistema de cría desenvólvese maioritariamente sobre a base territorial dos montes xestionados polas comunidades de montes veciñais en man común (CCMMVVMC), que representan practicamente un terzo da superficie forestal galega.

O fomento deste tipo de produción gandeira é estratéxico para o medio rural galego tanto pola xeración de riqueza que representa o aproveitamento *in situ* e sustentable de recursos naturais polas greas, como pola súa incidencia no control da acumulación de biomasa piroxénica nos montes e, polo tanto, contribución á diminución da probabilidade e gravidade dos incendios forestais. Neste terreo, esta orde pretende fomentar actuacións encamiñadas a compatibilizar a cría de équidos cos aproveitamentos forestais e outros aproveitamentos do monte mediante o desenvolvemento de programas de cría que apliquen criterios zootécnicos; fomentar a organización dos produtores equinos en asociacións que establezan acordos de aproveitamento de pastos coas CCMMVVMC; e, finalmente, fomentar actividades de asistencia técnica, e mellorar a comercialización dos produtos.

Por outra banda, en consonancia coas novas directrices da última reforma da política agraria común, o fomento da produción gandeira debe orientarse noutros ámbitos empresariais cara ás demandas sociais do mercado; desde o turismo rural, con crecente importancia de xeito continuado, ata as actividades terapéuticas, como é o emprego do gando equino na adaptación de persoas con minusvalidez e sen esquecer todas as actividades deportivas relacionadas con este tipo de animais (carreiras, concursos de saltos, etc.), todas elas, á fin e ao cabo, xeradoras dunha riqueza económica e social que se considera adecuado fomentar desde os poderes públicos.

Estas axudas axústanse ao disposto nas directrices comunitarias sobre axudas estatais ao sector agrario e forestal 2007-2013, DO C 319, do 17 de decembro de 2006; ao Regulamento (CE) nº 1857/2006 da Comisión, do 15 de decembro de 2006, sobre a aplicación dos artigos 87 e 88 do Tratado ás axudas estatais para as pequenas e medianas empresas dedicadas á produción de produtos agrícolas e polo que se modifica o Regulamento (CE) nº 70/2001, DO L 358, do 16 de decembro de 2006; ao Regulamento (CE) nº 1998/2006 da Comisión, do 15 de decembro de 2006, relativo á aplicación dos artigos 87 e 88 do

Tratado ás axudas *de minimis*, DO L 379, do 28 de decembro de 2006; e ao Regulamento (CE) nº 800/2008 da Comisión, do 6 de agosto de 2008, polo que se declaran determinadas categorías de axuda compatibles co mercado común en aplicación dos artigos 87 e 88 do Tratado (Regulamento xeral de extensión por categorías), DO L 214, do 9 de agosto de 2008.

O Real decreto 1643/2008, do 10 de outubro, que establece as bases reguladoras das subvencións estatais destinadas ao sector equino, establece que as comunidades autónomas son as encargadas da xestión das subvencións que nel se recollen, polo que se fai preciso o desenvolvemento dunha normativa galega para a xestión destas axudas. As empresas agrarias equinas definidas neste real decreto reciben tradicionalmente en Galicia a denominación de explotacións agrarias equinas, e están definidas como tales explotacións agrarias na Lei 19/1995, do 4 de xullo, de modernización das explotacións agrarias.

En consecuencia, de acordo co previsto no artigo 30.1º.3 do Estatuto de autonomía de Galicia, e no uso das facultades que me confiren os artigos 7 e 14 da Lei 9/2007, do 13 de xuño, de subvencións de Galicia, así como as competencias que me confire a Lei de réxime financeiro e orzamentario de Galicia, e a Lei 1/1983, do 22 de febreiro, de normas reguladoras da Xunta e da súa Presidencia,

DISPOÑO:

CAPÍTULO I DISPOSICIÓN XERAIS

Artigo 1º.-*Obxecto da orde.*

1. Esta orde ten por obxecto establecer as bases polas que se rexerá a concesión de axudas da Consellería do Medio Rural, en concorrencia competitiva, para o fomento e desenvolvemento do sector equino na Comunidade Autónoma de Galicia.

2. Estas bases publicaranse no *Diario Oficial de Galicia* e na páxina web oficial da Consellería do Medio Rural.

3. Así mesmo, por medio desta orde convócanse as devanditas axudas para o ano 2009.

Artigo 2º.-*Definicións.*

1. Para os efectos desta orde, serán de aplicación as definicións previstas no Regulamento (CE) nº 1857/2006 da Comisión, do 15 de decembro de 2006, sobre a aplicación dos artigos 87 e 88 do Tratado ás axudas estatais para as pequenas e medianas empresas dedicadas á produción de produtos agrícolas e polo que se modifica o Regulamento (CE) nº 70/2001, no Regulamento (CE) nº 1998/2006 da Comisión, do 15 de decembro de 2006, relativo á aplicación dos artigos 87 e 88 do Tratado ás axudas *de minimis*, e no Regulamento (CE) nº 800/2008 da Comisión, do 6 de agosto de 2008, polo que se

declaran determinadas categorías de axuda compatibles co mercado común en aplicación dos artigos 87 e 88 do Tratado (Regulamento xeral de extensión por categorías) na Lei 19/1995, do 4 de xullo, de modernización das explotacións agrarias.

2. Así mesmo, entenderase como:

a) Agrupación de produtores equinos: as entidades con personalidade xurídica propia, baixo calquera forma asociativa válida de acordo co ordenamento xurídico, que nos seus estatutos de constitución teñan entre os seus obxectivos a produción e crianza de gando equino.

b) Empresa agraria equina: o conxunto de bens e dereitos organizados empresarialmente polo seu titular no exercicio da actividade agraria coa especie equina, primordialmente con fins de mercado e que constitúe en si mesma unha unidade técnico-económica.

c) Explotación agraria equina: o conxunto de bens e dereitos organizados empresarialmente polo seu titular no exercicio da actividade agraria coa especie equina, primordialmente con fins de mercado, e que constitúe en si mesma unha unidade técnico-económica.

d) Équidos: os cabalos, asnos e os seus cruzamentos.

e) Instalación equina non comercial: aquela instalación dedicada ao mantemento de équidos por un particular.

f) Primeira instalación: o inicio da actividade gandeira por primeira vez con équidos ou a reorientación da produción con cambio de especie cara á produción equina.

g) Agricultor mozo: a persoa que teña cumpridos os dezaioito anos e non teña cumpridos corenta anos e que exerza ou pretenda exercer a actividade agraria.

h) Silvopastoreo: o uso de terreos forestais, pastos, pastos arbustivos ou pasto con arboredo con fins gandeiros mediante aproveitamento extensivo dos seus recursos.

i) Zonas desfavorecidas: relación de concellos de Galicia afectados pola consideración de zonas desfavorecidas de acordo co disposto no Regulamento (CE) nº 1257/1999 do Consello, sobre a axuda ao desenvolvemento rural.

Artigo 3º.-*Liñas de axuda e inicio das actuacións subvencionables.*

1. As liñas de axuda serán as seguintes:

a) Axudas aos investimentos en pequenas e medianas empresas equinas ou explotacións agrarias equinas dedicadas á produción e cría de équidos.

b) Axudas ás CCMMVVMC, asociacións e agrupacións de pequenos e medianos produtores de équidos.

c) Axudas aos investimentos en pequenas e medianas empresas agrarias equinas dedicadas á transformación e comercialización de carne de cabalo.

d) Axudas ás pequenas e medianas empresas non agrarias e outras institucións.

e) Axudas á formación.

2. As actividades obxecto de subvención deberán realizarse con posterioridade á presentación da solicitude.

3. Quedan excluídas do ámbito de aplicación desta orde as actividades das instalacións equinas non comerciais.

CAPÍTULO II DISTRIBUCIÓN DAS AXUDAS

SECCIÓN PRIMEIRA

AXUDAS AOS INVESTIMENTOS EN PEQUENAS E MEDIANAS EMPRESAS
EQUINAS OU EXPLOTACIÓNS AGRARIAS DEDICADAS Á PRODUCCIÓN
E CRÍA DE ÉQUIDOS

Artigo 4º.-*Obxecto.*

1. O obxecto desta axuda é optimizar os custos de produción, mellorar e reorientar a produción, aumentar a calidade, protexer e mellorar a contorna natural, as condicións hixiénicas e as normas de benestar animal e fomentar a diversificación das actividades gandeiras coa especie equina.

2. O réxime destas axudas axústase ao disposto nas directrices comunitarias sobre axudas estatais ao sector agrario e forestal 2007-2013.

Artigo 5º.-*Actividades subvencionables.*

As actividades subvencionables serán as seguintes:

1. A construción, adquisición e mellora de bens inmobles para a súa adaptación á cría e estabulación de équidos, incluíndo o acondicionamento de parcelas para o desenvolvemento da actividade gandeira coa especie equina, a construción e rehabilitación de valados e chousumes perimetrais, a construción de recintos de manexo, mangas de contención, refuxios, etc.

No caso de construción, adquisición e mellora de bens inmobles, o período durante o cal o beneficiario deberá destinar os bens ao fin concreto para o que se concedeu a subvención non poderá ser inferior a dez anos en caso de bens inscrites nun rexistro público, nin a dous anos para o resto de bens. No caso de bens inscrites nun rexistro público, deberá facerse constar na escritura esta circunstancia, así como o importe da subvención concedida, debendo ser obxecto estes extremos de inscrición no rexistro público correspondente.

2. A compra ou arrendamento con opción de compra de nova maquinaria e equipamento, incluídos os

ordenadores destinados á actividade gandeira equina no suposto de primeira instalación como explotación gandeira equina.

3. Os custos xerais, como honorarios de técnicos e estudos de viabilidade para a primeira instalación da explotación gandeira equina.

4. Investimentos destinados á adaptación e melloira das normas mínimas en materia de ambiente, hixiene e benestar animal relacionadas coa especie equina, así como a aplicación de sistemas de control individual dos animais explotados en sistemas extensivos necesarios para desenvolver as devanditas accións, conforme o previsto no artigo 4 do Regulamento (CE) nº 1857/2006 da Comisión, do 15 de decembro de 2006.

Artigo 6º.-*Beneficiarios.*

1. Poderán ser beneficiarios das axudas os titulares de pequenas e medianas empresas agrarias equinas ou explotacións agrarias destinadas á produción e cría de équidos que cumpran cos seguintes requisitos:

a) Estar inscritas no Rexistro de Explotacións Gandeiras conforme o Real decreto 479/2004, do 26 de marzo, polo que se establece e regula o Rexistro Xeral de Explotacións Gandeiras, como explotación de reprodución e produción, así como dispor do correspondente libro de explotación actualizado que se estableza regulamentariamente para os équidos e identificar os seus animais conforme a normativa vixente.

b) Acreditar estar ao día das obrigas fiscais e coa Seguridade Social que correspondan, conforme a normativa vixente, así como cumprir o conxunto de requisitos necesarios establecidos no artigo 10 da Lei 9/2007, do 13 de xuño, de subvencións de Galicia, xunto coa acreditación ou certificación de non ter débedas coa comunidade autónoma.

c) Presentar unha memoria técnica elaborada por un titulado universitario en disciplina de contido agrario ou biolóxico na cal se expoña o conxunto do proxecto, a suficiencia para a viabilidade económica da explotación, a súa repercusión no medio onde se desenvolva, así como a xustificación, de ser o caso, da existencia no proxecto de varios criterios obxectivos de prelación recollidos no punto 2 do artigo 25.

2. Non poderán ser beneficiarios os que sexan sancionados por:

a) Incumprimento das normas mínimas en materia de ambiente, en particular, as relacionadas coa xestión dos subprodutos de orixe animal non destinados ao consumo humano xerados na súa empresa ou explotación agraria.

b) Incumprimento da normativa aplicable en materia de benestar animal e, en especial, o Real decreto 348/2000, do 10 de marzo, polo que se incorpora ao ordenamento xurídico a Directiva 98/58/CE do Consello, do 20 de xullo de 1998, relativa á protec-

ción dos animais nas explotacións gandeiras; o Regulamento 1/2005 do Consello, do 22 de decembro de 2004, relativo á protección dos animais durante o transporte e operacións conexas, e a Lei 32/2007, do 7 de novembro, para o coidado dos animais, na súa explotación, transporte, experimentación e sacrificio.

c) Incumprimento na aplicación dos programas sanitarios establecidos ou por anomalías no rexistro dos tratamentos medicamentosos, conforme a Lei 8/2003, do 24 de abril, de sanidade animal, e o Real decreto 1749/1998, do 31 de xullo, polo que se establecen as medidas de control aplicables a determinadas substancias e os seus residuos nos animais vivos e os seus produtos.

3. Non poderán obter a condición de beneficiarios aqueles que se atopen incursos nalgunha das causas de prohibición previstas na normativa aplicable en materia de subvencións. A demostración de non estar incurso nas prohibicións que impiden obter a condición de beneficiario efectuarase mediante a correspondente acreditación ou, de ser o caso, a declaración do responsable segundo o anexo III.

Artigo 7º.-*Contía das axudas.*

1. A intensidade bruta da axuda non deberá superar:

a) O 50% dos investimentos subvencionables nas zonas desfavorecidas ou nas zonas indicadas no artigo 36, letra a), incisos i), ii) e iii), do Regulamento (CE) nº 1698/2005 do Consello, do 20 de setembro de 2005, DO L 277, do 21 de outubro de 2005, que regula as axudas ao desenvolvemento rural a través do Fondo Europeo Agrícola de Desenvolvemento Rural (Feader) e, no caso de novos agricultores, o 60%, dentro dos cinco anos seguintes á súa instalación.

b) O 40% dos investimentos subvencionables nas demais rexións e, no caso de novos agricultores, o 50%, dentro dos cinco anos seguintes á súa instalación.

c) Cando os investimentos previstos nas letras a) e b) deste punto ocasionen custos suplementarios relacionados coa protección e a mellora do ambiente e a mellora das condicións de hixiene das empresas pecuarias ou o benestar do gando, o 75% dos investimentos subvencionables nas rexións indicadas na letra a) e o 60% deles noutras rexións.

Este último incremento só se poderá conceder para os investimentos que superen os mínimos establecidos nas normas comunitarias, nacionais ou autonómicas ou para os investimentos destinados á adaptación e mellora das normas mínimas establecidas no artigo 4 do Regulamento (CE) nº 1857/2006 da Comisión, do 15 de decembro de 2006.

2. O importe máximo da axuda concedida a unha empresa ou explotación agraria determinada non deberá superar os 50.000 euros, importe que poderá

ascender a 60.000 euros se a empresa está situada nunha zona desfavorecida ou nunha das zonas indicadas no artigo 36, letra a), incisos i), ii) ou iii) do Regulamento (CE) nº 1698/2005, do 20 de setembro de 2005.

SECCIÓN SEGUNDA AXUDAS ÁS CCMMVVMC, ASOCIACIÓNS OU AGRUPACIÓNS DE PRODUTORES

Artigo 8º.-*Obxecto.*

O obxectivo desta axuda é promover a constitución de entidades de carácter asociativo legalmente recoñecidas relacionadas co sector equino, para actividades de asistencia técnica a estas asociacións e ás súas agrupacións, así como apoiar as constituídas con outros fins que amplíen o seu ámbito de actuación ao sector equino para mellorar o seu funcionamento e a comercialización dos seus produtos, en particular, aquelas medidas que favorezan a concentración da oferta e a mellora na calidade dos produtos.

O réxime destas axudas axústase ao disposto no artigo 9 do Regulamento (CE) nº 1857/2006 da Comisión, do 15 de decembro de 2006, e no número IV.A.2 das directrices comunitarias sobre axudas estatais destinadas ao sector agrario e forestal 2007-2013.

Artigo 9º.-*Actividades subvencionables.*

As actividades subvencionables serán as seguintes:

1. Asistencia técnica ás entidades asociativas e agrupacións de produtores de équidos que se constituían ou que amplíen significativamente as súas actividades ao ámbito equino.

2. Implantación de programas de calidade voluntarios ou de sistemas de produción diferenciada, denominacións de calidade e produción ecolóxica.

3. Implantación de programas de manexo zootécnico e sanitario nas explotacións equinas, aprobados pola autoridade competente, que abarquen aspectos relacionados coa mellora da calidade e sanidade das producións equinas e aplicación de sistemas de control individual dos animais explotados en sistemas extensivos necesarios para desenvolver as devanditas accións.

4. Implantación de técnicas ou prácticas innovadoras no ámbito da cría equina de produción de carne, incluída a ceba en común, centros de normalización ou tipificación de canais, entre outros.

5. Celebración e asistencia a certames, feiras ou exposicións cuxa finalidade sexa o fomento e a promoción do gando equino e os seus produtos e servizos, sempre que non se atopen incluídos no ámbito de aplicación da orde do Ministerio de Agricultura, Pesca e Alimentación, do 17 de marzo de 1988, pola que se actualizan e regulan os certames gandeiros de raza pura, de carácter nacional e internacional, e se fixan os estímulos á participación neles.

6. Campañas para a promoción e difusión do consumo de carne de cabalo e das súas calidades nutricionais.

7. Adquisición de equipos ou realización de investimentos para utilización conxunta da asociación ou agrupación de produtores.

8. No caso de asociacións ou agrupacións que se constitúan ou que amplíen significativamente as súas actividades, o aluguer de locais apropiados e a adquisición de material, incluídos os ordenadores para a aplicación dos programas.

Artigo 10º.-*Beneficiarios das axudas.*

1. Poderán ser beneficiarios das axudas as entidades asociativas ou as súas agrupacións, agrupacións de produtores da especie equina, as CCMMVVCM cun plan de aproveitamento de pastos que inclúa a especie equina e as agrupacións de defensa sanitaria, recoñecidas de acordo co establecido no Real decreto 1880/1996, do 2 de agosto, polo que se regulan as agrupacións de defensa sanitaria gandeiras, que cumpran as seguintes condicións:

a) Acreditar estar ao día das obrigas fiscais e coa Seguridade Social que correspondan, conforme a normativa vixente, así como cumprir o conxunto de requisitos necesarios establecidos no artigo 10 da Lei 9/2007, do 13 de xuño, de subvencións de Galicia, xunto coa acreditación ou certificación de non ter débedas coa comunidade autónoma.

b) Presentar unha memoria técnica na cal se expoña o conxunto do proxecto, a suficiencia para a viabilidade económica da asociación ou agrupación, a súa repercusión no medio onde se desenvolva, así como a xustificación, de ser o caso, da existencia no proxecto de varios criterios obxectivos de prelación recollidos no punto 2 do artigo 25.

c) Todas as explotacións dos integrantes da asociación ou agrupación deben cumprir cos requisitos establecidos nas letras anteriores, excepto no relativo á viabilidade económica, que deberá ser acreditada pola entidade beneficiaria da axuda.

d) Os programas aprobados débense aplicar a todas as explotacións pertencentes á asociación.

e) Os programas deben ser supervisados por un técnico con titulación universitaria e, no caso dos programas sanitarios, por un veterinario.

f) No caso de que as axudas solicitadas estean destinadas a mellorar a comercialización da produción, que polo menos o 50% desta, que pola súa vez proceda, como mínimo, do 50% das explotacións integradas na entidade asociativa, debe ser comercializada co control e coordinación da entidade asociativa beneficiaria.

g) Que o obxectivo de todos os membros da agrupación ou asociación sexa adaptar a produción final

ás exixencias do mercado, en particular mediante a concentración da oferta.

h) No caso do punto 4 do artigo 9, que cumpran os requisitos previstos nos números 4 e 5 do artigo 14 do Regulamento (CE) nº 1857/2006 da Comisión, do 15 de decembro de 2006.

2. Fóra das axudas recollidas no punto 7 do artigo 9, non se poderán conceder subvencións despois do sétimo ano seguinte ao recoñecemento ou constitución da asociación ou agrupación de produtores.

3. Non poderán obter a condición de beneficiario aqueles que se atopen incurso nalgunha das causas de prohibición previstas na normativa aplicable en materia de subvencións. A demostración de non estar incurso nas prohibicións que impiden obter a condición de beneficiario efectuarase mediante a correspondente acreditación ou, de ser o caso, a declaración do responsable segundo o anexo III.

Artigo 11º.-*Contía das axudas.*

1. A contía máxima total da axuda por agrupación ou asociación non poderá ser superior a 200.000 euros e deberán respectarse, ademais, as seguintes condicións:

a) No caso dos puntos 4 e 5 do artigo 9, o límite máximo das axudas non poderá superar anualmente o 50% dos custos subvencionables. En todo caso, o límite de 200.000 euros por beneficiario estará referido a un período máximo de tres anos consecutivos.

b) No caso do punto 6 do artigo 9, o límite máximo será o 50% do custo de cada campaña.

c) No caso do punto 7 do artigo 9, o límite máximo será o 40% dos investimentos subvencionables, ou o 50% en zonas desfavorecidas ou nas zonas indicadas no artigo 36, letra a), incisos i), ii) e iii), do Regulamento (CE) nº 1698/2005 do Consello, do 20 de setembro de 2005.

2. De acordo co dito no punto anterior, no caso de actividades destinadas á compensación dos custos de prevención e erradicación de enfermidades dos animais, así como os derivados de controis sanitarios, probas e outras medidas de detección, compra e administración de vacinas, poderase subvencionar ata o 100% do custo da actividade.

Para a obtención desta axuda deberán cumprirse os requisitos establecidos no artigo 10.1º, así como os requisitos establecidos no punto 1.b) e nos puntos 4 ao 8 do artigo 10 do Regulamento (CE) nº 1857/2006 da Comisión, do 15 de decembro de 2006.

Artigo 12º.-*Axudas adicionais.*

Ademais das axudas anteriores, as asociacións ou agrupacións de produtores poderán optar a outras axudas adicionais, sempre que se cumpra o establecido no artigo 10.1º.

O obxecto delas será aumentar a calidade das producións obtidas, mellorar e protexer o ambiente laboral, as condicións hixiénicas, as normas de benestar animal e a rastrexabilidade das actividades gandeiras coa especie equina. Son subvencionables aquelas actividades que entren dentro destes campos e os límites da subvención serán os establecidos no punto 4 do artigo 5.

SECCIÓN TERCEIRA

AXUDAS AOS INVESTIMENTOS EN PEQUENAS E MEDIANAS EMPRESAS
AGRARIAS EQUINAS DEDICADAS Á TRANSFORMACIÓN
E COMERCIALIZACIÓN DE CARNE DE CABALO

Artigo 13º.-*Obxecto.*

1. O obxectivo desta axuda é facilitar a mellora e racionalización da transformación e comercialización da carne de cabalo, aumentar a súa competitividade e o seu valor engadido, mellorar a súa calidade e aplicar procedementos de rastrexabilidade ao longo de toda a cadea de produción.

2. O réxime destas axudas axústase ao disposto no Regulamento (CE) nº 1998/2006 da Comisión, do 15 de decembro de 2006.

Artigo 14º.-*Actividades subvencionables.*

As actividades subvencionables serán as seguintes:

1. Implantación de programas voluntarios de garantía de calidade e sistemas documentais para a etiquetaxe e rastrexabilidade das producións co fin de mellorar a calidade.

2. Compra ou arrendamento de maquinaria, equipamentos e ordenadores, para a aplicación dos programas e sistemas documentais sinalados no parágrafo anterior.

3. Estudos de mercado e viabilidade, deseño de produtos e pagamento de honorarios a asesores.

4. Celebración e asistencia a certames, feiras e exposicións cuxa finalidade sexa o fomento e a promoción de carne de cabalo.

Artigo 15º.-*Beneficiarios das axudas.*

1. Poderán ser beneficiarios das axudas aquelas pequenas e medianas empresas agrarias equinas dedicadas á transformación e comercialización de carne de cabalo ou as súas asociacións legalmente recoñecidas, sobre as cales recaía a carga financeira dos investimentos e gastos que se consideren subvencionables, que realicen a actividade para a que se outorga a axuda e que manteñan a devandita actividade durante un período non inferior a cinco anos contados a partir do momento en que aquela se iniciou e que, ademais, cumpran os seguintes requisitos:

a) Acreditar a viabilidade económica da empresa e estar ao día das obrigas fiscais e coa Seguridade Social, así como cumprir o conxunto de requisitos necesarios establecidos no artigo 10 da Lei 9/2007, do 13 de xuño, de subvencións de Galicia, xunto coa

acreditación ou certificación de non ter débedas coa comunidade autónoma.

b) Acreditar ou, de ser o caso, achegar declaración do responsable da aplicación de sistemas de rastrexabilidade na produción, de control de puntos críticos en todo o proceso produtivo, así como fomentar, mediante compromisos por escrito, o cumprimento das normas en vigor sobre o ambiente, a hixiene e a sanidade, o rexistro e identificación dos animais, os programas sanitarios aprobados pola autoridade competente e, de ser o caso, o benestar animal e códigos de boas prácticas hixiénicas, nas explotacións vinculadas.

c) Realizar unha correcta xestión dos subprodutos xerados durante o proceso produtivo.

d) Presentar unha memoria técnica onde se expoña claramente o conxunto do proxecto, a súa viabilidade, a súa repercusión no medio onde se desenvolva, así como a xustificación, de ser o caso, da existencia no proxecto de un ou de varios criterios obxectivos de prelación recollidos no punto 2 do artigo 25.

2. En todo caso, o beneficiario presentará unha declaración, escrita ou en soporte electrónico, sobre calquera outra axuda *de minimis* recibida durante os dous exercicios anteriores e durante o exercicio fiscal en curso.

3. A axuda non poderá repercutirse, total ou parcialmente, sobre os produtores primarios (agricultores).

4. Non poderán obter a condición de beneficiarios aqueles que se atopen incurso nalgunha das causas de prohibición previstas na normativa comunitaria aplicable en materia de subvencións. A demostración de non estar incurso nas prohibicións que impiden obter a condición de beneficiario efectuarase mediante a correspondente acreditación ou, de ser o caso, a declaración responsable segundo o anexo III.

Artigo 16º.-*Contía das axudas.*

A contía máxima total da axuda non poderá superar os 60.000 euros brutos por cada exercicio fiscal. En todo caso, terase en conta o disposto no artigo 2 do Regulamento (CE) nº 1998/2006 da Comisión, do 15 de decembro de 2006.

SECCIÓN CUARTA

AXUDAS ÁS PEQUENAS E MEDIANAS EMPRESAS NON AGRARIAS
E OUTRAS INSTITUCIÓNS

Artigo 17º.-*Obxecto.*

O obxecto desta axuda é o fomento de actividades relacionadas con servizos a terceiros nos ámbitos do lecer, deportivos, sociais, culturais ou do turismo rural coa utilización de équidos.

O réxime destas axudas axústase ao disposto no Regulamento (CE) nº 1998/2006 da Comisión, do 15 de decembro de 2006.

Artigo 18º.-*Actividades subvencionables.*

As actividades subvencionables serán as seguintes:

1. Adecuación e deseño das instalacións e aloxamento dos animais, zonas de recreo e rutas ecuestres para o desenvolvemento da actividade.

2. Compra de arneses, selas e demais bens mobles de uso específico directamente relacionados coa práctica da actividade ecuestre, en empresas de turismo rural que desexen ofrecer servizos a terceiros con équidos.

3. Desenvolvemento de actividades ecuestres no ámbito escolar, con fins terapéuticos (hipoterapia), ou dirixida a sectores con dificultades sociais de acceso á actividade.

4. Fomento da equitación de base nas escolas e centros formativos, como actividade complementaria educacional, cando se implante por primeira vez e no marco dun programa aprobado pola autoridade competente.

Artigo 19º.-*Beneficiarios das axudas.*

1. Poderán ser beneficiarios das axudas as pequenas e medianas empresas non agrarias e aquelas outras institucións que ofrezan servizos a terceiros con participación de équidos, excluindo os hipódromos. En particular, poderán ser beneficiarios os centros de aluguer ou pupilaxe de animais da especie equina, centros de lecer en que leven a cabo actividades ecuestres, empresas de turismo rural, centros de ensino públicos ou privados, centros deportivos ecuestres que desenvolvan a súa actividade no ámbito rural, así como fundacións, empresas e as súas asociacións, sempre que o seu obxecto sexan as actividades económicas relacionadas coa utilización de équidos e, en especial, co fomento da equitación.

2. Para poder optar a estas axudas os beneficiarios deberán cumprir, en función da actividade subvencionable, os seguintes requisitos:

a) Acreditar a viabilidade económica da empresa e estar ao día das obrigas fiscais e coa Seguridade Social que correspondan conforme a normativa vixente, así como cumprir o conxunto de requisitos necesarios establecidos no artigo 10 da Lei 9/2007, do 13 de xuño, de subvencións de Galicia, xunto coa acreditación ou certificación de non ter débedas coa comunidade autónoma.

b) Cumprir coas normas mínimas exixibles en materia de benestar animal, hixiene e ambiente.

c) Levar unha correcta xestión dos subprodutos xerados pola actividade que se desenvolva cos équidos.

d) Dispor de persoal responsable dos animais, con formación específica en gandaría equina, ou acreditada nos dous anos posteriores.

e) Ter rexistrada a explotación, no momento de realizar a solicitude, nunha das categorías establecidas

no punto 2 do anexo III do Real decreto 479/2004, do 26 de marzo, polo que se establece e regula o Rexistro Xeral de Explotacións Gandeiras, e identificados todos os animais utilizados na actividade, conforme a normativa vixente.

f) Contar cun programa sanitario para os équidos, supervisado por un veterinario.

g) Presentar unha memoria técnica onde se expoña claramente o conxunto do proxecto, a súa viabilidade, a súa repercusión no medio en que se desenvolva e todos aqueles aspectos necesarios para garantir o cumprimento de calquera dos aspectos recollidos no punto 2, así como a xustificación, de ser o caso, da existencia no proxecto dun ou varios criterios obxectivos recollidos no punto 2 do artigo 25.

3. En todo caso, o beneficiario presentará unha declaración, escrita ou en soporte electrónico, sobre calquera outra axuda *de minimis* recibida durante os dous exercicios anteriores e durante o exercicio fiscal en curso.

4. A axuda non poderá repercutirse, total ou parcialmente, sobre os produtores primarios (agricultores).

5. Non poderán obter a condición de beneficiario aqueles que se atopen incurso nalgunha das causas de prohibición previstas na normativa aplicable en materia de subvencións. A acreditación de non estar incurso nas prohibicións que impiden obter a condición de beneficiario efectuarase mediante a presentación dunha declaración responsable segundo o anexo III.

Artigo 20º.-*Contía das axudas.*

A contía máxima total da axuda non poderá superar os 60.000 euros en cada exercicio fiscal. En todo caso terase en conta o disposto no artigo 2 do Regulamento (CE) nº 1998/2006 da Comisión, do 15 de decembro de 2006.

SECCIÓN QUINTA AXUDAS Á FORMACIÓN

Artigo 21º.-*Obxecto.*

1. O obxecto desta axuda é facilitar a formación específica, segundo se recolle no artigo 38 do Regulamento (CE) nº 800/2008 da Comisión, do 6 de agosto de 2008, de profesionais de alto nivel de cualificación nos distintos campos do ámbito ecuestre.

2. O réxime destas axudas axústase ao disposto na sección 8, axudas á formación, do Regulamento (CE) nº 800/2008 da Comisión, do 6 de agosto de 2008.

Artigo 22º.-*Actividades subvencionables.*

As actividades subvencionables serán as seguintes:

1. Realización de cursos de formación en produción equina relacionados coa produción e cría de équidos no nivel de explotación, para as asociacións ou agrupacións de produtores.

2. Realización de cursos de formación no ámbito da produción, transformación e comercialización de carne de cabalo en relación coa aplicación de sistemas de garantía da calidade sistemas APPCC (análises de perigos e puntos de control críticos), no marco das pequenas e medianas empresas agrarias equinas dedicadas á transformación e comercialización de carne de cabalo.

3. Realización de cursos de formación para profesionais, no ámbito ecuestre no caso das pequenas e medianas empresas non agrarias e outras institucións.

Artigo 23º.-Beneficiarios.

1. No caso da formación en produción equina relacionada coa produción e cría de équidos, serán beneficiarios aqueles que cumpran o disposto no artigo 10º desta orde.

2. No caso da formación no ámbito da produción, transformación e comercialización de carne de cabalo, consideraranse beneficiarios aqueles que cumpran o disposto no artigo 15º desta orde.

3. No caso da formación de profesionais dentro do ámbito ecuestre, consideraranse beneficiarios aqueles solicitantes que cumpran o disposto no artigo 19º desta orde.

Artigo 24º.-Contía das axudas.

A contía máxima total da axuda non poderá superaros 60.000 euros en cada exercicio fiscal. En todo caso terase en conta o disposto no artigo 39 do Regulamento (CE) nº 800/2008 da Comisión, do 6 de agosto de 2008, cuxas contías non se poderán superar.

CAPÍTULO III

XESTIÓN DAS AXUDAS

Artigo 25º.-Prelación das axudas.

1. Na concesión das subvencións previstas nesta orde terán prioridade as axudas recollidas na sección primeira do capítulo anterior.

2. As solicitudes de axuda ordenaranse de acordo aos seguintes criterios obxectivos, cunha valoración de puntos de acordo coa seguinte relación:

a) Proxectos innovadores debidamente documentados en explotacións ou Pemes agrarias: dous puntos.

b) Asociacións e colectivos a que se refire o artigo 9: dous puntos.

c) Actividades de fomento da equitación de base e hipoterapia ou introdución da actividade equina dirixida a sectores de poboación con dificultades sociais específicas de acceso á actividade: dous puntos.

d) Agricultores mozos e proxectos a cargo de mulleres: dous puntos.

e) Número de équidos: ata un punto.

En todo caso, as solicitudes puntuaranse segundo a liña de axudas e a actividade de que se trate, e a puntuación máxima total será de cinco puntos.

3. Aqueles solicitantes que non obteñan unha puntuación mínima de dous puntos non se poderán beneficiar destas subvencións.

No caso de que máis dun solicitante obtivese a mesma puntuación, aplicarase a orde establecida no anterior punto.

No caso de que algún dos beneficiarios renunciase á subvención, o órgano concedente acordará, sen necesidade dunha nova convocatoria, a concesión da subvención ao solicitante ou solicitantes seguintes a aquel en orde da súa puntuación, coa condición de que coa renuncia por parte dalgún dos beneficiarios se libere crédito suficiente para atender polo menos unha das solicitudes denegadas.

4. É incompatible a obtención simultánea de subvencións ás pequenas e medianas empresas agrarias e ás súas asociacións e agrupacións, coas subvencións ás pequenas e medianas empresas non agrarias e outras institucións. Cando unha explotación sexa susceptible de recibir axudas recollidas en varias das seccións do capítulo anterior, só se poderán solicitar subvencións reguladas nunha delas.

Artigo 26º.-Prazo e forma das solicitudes.

1. As solicitudes presentaranse segundo os modelos adxuntos no anexo I, II, III e IV para cada un dos tipos de axudas, e deberán ir debidamente cubertas e asinadas polo solicitante ou representante.

2. O prazo de presentación de solicitudes será dun mes contado a partir do día seguinte ao da publicación desta orde no *Diario Oficial de Galicia*.

3. Presentaranse nos rexistros dos órganos dependentes da Consellería do Medio Rural, ou nos rexistros de calquera órgano administrativo que pertenza á Administración xeral do Estado, á de calquera Administración das comunidades autónomas ou a algunha das entidades que integran a Administración local se, neste último caso, se subscribiu o oportuno convenio, ou por calquera outro medio previsto no artigo 38.4º da Lei 30/1992, do 26 de novembro, de réxime xurídico das administracións públicas e do procedemento administrativo común. No caso de envío por correo, farase de acordo co regulamentariamente previsto no artigo 31 do Real decreto 1829/1999, do 3 de decembro, polo que se aproba o Regulamento polo que se regula a prestación dos servizos postais, en desenvolvemento do establecido na Lei 24/1998, do 13 de xullo, do servizo postal universal e de liberalización dos servizos postais, que se presentará en sobre aberto, co obxecto de que na cabeceira da primeira folla do documento que se queira enviar se faga constar, con cla-

ridade, o nome da oficina e a data, o lugar, a hora e o minuto da súa admisión.

4. Se a documentación presentada for incompleta ou presentar erros que poden ser reparados, requirirase o responsable para que no prazo de dez días hábiles, desde o seguinte ao de recepción do requirimento, emende o defecto ou achegue os documentos preceptivos, con advertencia de que, se non o fixer, se terá por desistido da súa solicitude tras resolución, de acordo co establecido no artigo 71 da Lei 30/1992, do 26 de novembro, na súa redacción dada pola Lei 4/1999, do 13 de xaneiro.

A Consellería do Medio Rural poderá solicitar dos peticionarios toda a información e xustificacións técnicas e económicas que considere necesarias, co obxecto de comprobar a realización das actuacións subvencionables e os custos derivados.

5. Á solicitude xuntaráse a documentación que a seguir se relaciona, para cada unha das liñas de axuda:

a) Axudas ás pequenas e medianas empresas agrarias equinas ou explotacións agrarias dedicadas á produción e á crianza de équidos (solicitude segundo o anexo I):

1º Se procede, acreditación da personalidade xurídica da entidade solicitante. De ser o caso, mediante certificación de inscrición e vixencia, incluíndo o teor literal dos seus estatutos, emitido polo rexistro mercantil.

2º Acreditación da representatividade do solicitante, de ser o caso.

3º Fotocopia cotexada do código ou número de identificación fiscal, e número do Rexistro Xeral de Explotacións Gandeiras (REGA).

4º Certificado orixinal da entidade financeira sobre a titularidade da conta en que se solicita o ingreso do importe da axuda.

5º Declaración do conxunto de todas as solicitudes efectuadas ou concedidas, para o mesmo proxecto, das distintas administracións públicas competentes ou calquera dos seus organismos, entes ou sociedades, así como doutros ingresos ou recursos que financien o proxecto, e de que non está incurso nalgunha das causas de prohibición previstas na normativa aplicable en materia de subvencións, ou cubrir, debidamente asinada, a declaración que figura no anexo V.

6º Memoria técnica elaborada por un titulado universitario en disciplina de contido agrario ou biolóxico na cal se expoña o conxunto do proxecto, a suficiencia para a viabilidade económica da explotación, a súa repercusión no medio onde se desenvolva, así como a xustificación, de ser o caso, da existencia no proxecto de varios criterios obxectivos de prelación.

7º Avaliación económica dos gastos que se van realizar.

8º Documentación acreditativa de tratarse de primeira instalación, de ser o caso.

9º Acordos de comercialización existentes, de ser o caso.

10º Declaración do responsable de cumprimento das normas mínimas en materia sanitaria, identificación, alimentación, medio natural, hixiene e benestar dos animais, de conformidade coa normativa comunitaria, nacional e autonómica segundo o anexo VI.

b) Axudas ás CMVMC, asociacións e agrupacións de produtores equinos (solicitude segundo o anexo II):

1º Acreditación da personalidade xurídica da entidade solicitante.

2º Estatutos da asociación ou agrupación.

3º Acreditación da representatividade do solicitante.

4º Fotocopia cotexada do código de identificación fiscal.

5º Certificado orixinal da entidade financeira sobre a titularidade da conta en que se solicita o ingreso do importe da axuda.

6º Declaración do conxunto de todas as solicitudes efectuadas ou concedidas, para o mesmo proxecto, das distintas administracións públicas competentes ou calquera dos seus organismos, entes ou sociedades, así como doutros ingresos ou recursos que financien o proxecto, e de que non está incurso nalgunha das causas de prohibición previstas na normativa aplicable en materia de subvencións, ou cubrir, debidamente asinada, a declaración que figura no anexo V.

7º Memoria técnica elaborada por un titulado universitario en disciplina de contido agrario ou biolóxico na cal se expoña o conxunto do proxecto, a suficiencia para a viabilidade económica da asociación ou agrupación, a súa repercusión no medio onde se desenvolva, así como a xustificación, de ser o caso, da existencia no proxecto de varios criterios obxectivos de prelación.

8º Avaliación económica dos gastos que se van realizar.

9º Relación de integrantes da asociación ou agrupación, número de identificación fiscal, número do Rexistro Xeral de Explotacións Gandeiras (REGA) das súas explotacións.

10º Acreditación ou certificación da acta de reunión da xunta directiva, pola que se acorda a existencia, a todos os socios ou integrantes, do cumprimento das normas mínimas en materia sanitaria, identificación, alimentación, medio natural, hixiene e

benestar dos animais, de conformidade coa normativa comunitaria, nacional e autonómica.

c) Axudas aos investimentos en pequenas e medianas empresas agrarias equinas dedicadas á transformación e comercialización de carne de cabalo (solicitude segundo o anexo III):

1º Se procede, acreditación da personalidade xurídica da entidade solicitante. De ser o caso, mediante certificación de inscrición e vixencia, incluíndo o teor literal dos seus estatutos, emitido polo Rexistro Mercantil.

2º Acreditación da representatividade do solicitante, de ser o caso.

3º Fotocopia compulsada do código ou número de identificación fiscal.

4º Certificado orixinal da entidade financeira sobre a titularidade da conta en que se solicita o ingreso do importe da axuda.

5º Declaración do conxunto de todas as solicitudes efectuadas ou concedidas, para o mesmo proxecto, das distintas administracións públicas competentes ou calquera dos seus organismos, entes ou sociedades, así como doutros ingresos ou recursos que financien o proxecto, e de que non está incurso nalgunha das causas de prohibición previstas na normativa aplicable en materia de subvencións, ou cubrir, debidamente asinada, a declaración que figura no anexo V.

6º Memoria técnica elaborada por un titulado universitario en disciplina de contido agrario ou biolóxico na cal se expoña o conxunto do proxecto, a súa viabilidade económica, a súa repercusión no medio onde se desenvolva, así como a xustificación, de ser o caso, da existencia no proxecto de varios criterios obxectivos de prelación.

7º Avaliación económica dos gastos que se van realizar.

8º Documentos acreditativos da viabilidade económica da empresa.

9º Relación de produtores equinos, explotacións vinculadas, número de identificación fiscal deles, número do Rexistro Xeral de Explotacións Gandeiras (REGA) e domicilio da explotación, cos cales se teñan suscrito acordos agroalimentarios e de comercialización, xuntando copia dos respectivos contratos e do compromiso de cumprimento das normas mínimas en materia sanitaria, identificación, alimentación, medio natural, hixiene e benestar dos animais, de conformidade coa normativa comunitaria, nacional e autonómica.

10º Memoria descritiva do sistema de rastrexabilidade na produción, de análises de perigos e puntos de control críticos en todo o proceso produtivo, así como do protocolo para a xestión dos subprodutos xerados durante o proceso produtivo.

11º Declaración, escrita ou en soporte electrónico, sobre calquera outra axuda *de minimis* recibida durante os dous exercicios anteriores e durante o exercicio fiscal en curso.

a) Axudas ás pequenas e medianas empresas non agrarias e outras institucións (solicitude segundo o anexo IV):

1º Se procede, acreditación da personalidade xurídica da entidade solicitante, mediante certificación de inscrición e vixencia, incluíndo o teor literal dos seus estatutos, emitido polo Rexistro Mercantil.

2º Acreditación da representatividade do solicitante, de ser o caso.

3º Fotocopia cotexada do código ou número de identificación fiscal, e número do Rexistro Xeral de Explotacións Gandeiras (REGA).

4º Certificado orixinal da entidade financeira sobre a titularidade da conta en que se solicita o ingreso do importe da axuda.

5º Declaración do conxunto de todas as solicitudes efectuadas ou concedidas, para o mesmo proxecto, das distintas administracións públicas competentes ou calquera dos seus organismos, entes ou sociedades, así como doutros ingresos ou recursos que financien o proxecto, e de que non está incurso nalgunha das causas de prohibición previstas na normativa aplicable en materia de subvencións, ou cubrir, debidamente asinada, a declaración que figura no anexo V.

6º Memoria técnica elaborada por un titulado universitario en disciplina de contido agrario ou biolóxico na cal se expoña o conxunto do proxecto, a súa viabilidade económica, a súa repercusión no medio onde se desenvolva, así como a xustificación, de ser o caso, da existencia no proxecto de varios criterios obxectivos de prelación.

7º Avaliación económica dos gastos que se van realizar.

8º Documentos acreditativos da viabilidade económica da empresa.

9º Documentación acreditativa de posuír a capacidade profesional suficiente do persoal responsable dos animais ou plan de formación que se levará a cabo.

10º Memoria do programa sanitario que se vai desenvolver, visado e supervisado por un veterinario, facendo mención específica á xestión de subprodutos xerados na actividade que se leve a cabo cos équidos.

11º Declaración, escrita ou en soporte electrónico, sobre calquera outra axuda *de minimis* recibida durante os dous exercicios anteriores e durante o exercicio fiscal en curso.

a) Axudas á formación (solicitude segundo o anexo II no caso de cursos de produción e cría equina; solicitude segundo o anexo III no caso de cursos no ámbito da produción, comercialización e transformación de carne de cabalo, e solicitude segundo o anexo IV no caso de cursos para profesionais no ámbito ecuestre) xuntando á solicitude a documentación correspondente. No caso da memoria de actividades, esta debe expoñer os obxectivos, o programa do curso, o orzamento pormenorizado e as datas de celebración.

Artigo 27º.-Autorización.

1. A presentación da solicitude de concesión de axuda polo interesado implicará a autorización á Dirección Xeral de Produción, Industrias e Calidade Agroalimentaria para solicitar as certificacións que deban emitir a Axencia Estatal da Administración Tributaria, a Tesouraría Xeral da Seguridade Social e a Consellería de Economía e Facenda da Xunta de Galicia. Así mesmo, de acordo co establecido na disposición primeira do Decreto 132/2006, do 27 de xullo, de creación dos rexistros de axudas, subvencións e convenios e de sancións da Xunta de Galicia, a persoa solicitante da axuda consentirá expresamente a inclusión e publicidade dos datos relevantes referidos ás axudas e subvencións recibidas, así como ás sancións impostas, de ser o caso.

2. De acordo co establecido na disposición adicional primeira do Decreto 132/2006, do 27 de xullo, de creación dos rexistros de axudas, subvencións e convenios e de sancións da Xunta de Galicia, a persoa solicitante da subvención consentirá expresamente a inclusión e publicidade dos datos relevantes referidos ás axudas e subvencións recibidas, así como ás sancións impostas, de ser o caso.

Artigo 28º.-Tramitación e resolución.

1. O órgano competente para a instrución e tramitación do procedemento é a Dirección Xeral de Produción, Industrias e Calidade Agroalimentaria. A resolución do expediente correspóndelle ao conselleiro do Medio Rural, por proposta do director xeral de Produción, Industrias e Calidade Agroalimentaria.

2. A baremación das solicitudes, segundo os criterios do artigo 25º, será efectuada por un órgano colegiado constituído para o efecto, formado por: presidente o subdirector/a xeral de Gandaría; vogal o/a xefe/a do Servizo de Planificación Gandeira, e secretario o/a xefe/a do Servizo de Producións Gandeiras, que emitirá o informe correspondente. Á vista deste informe, o director xeral de Produción, Industrias e Calidade Agroalimentaria elevará proposta de resolución ao conselleiro do Medio Rural.

3. O prazo máximo para resolver e notificar a resolución será dun máximo de nove meses contados a partir do día seguinte ao da publicación desta orde no *Diario Oficial de Galicia*. Transcorrido odito pra-

zo poderase entender desestimatoria das solicitudes de axuda.

4. Esta resolución pon fin á vía administrativa e contra ela poderá presentarse recurso potestativo de reposición ante o mesmo órgano, no prazo dun mes a partir do día seguinte ao da súa notificación, ou ben, alternativamente, recurso contencioso-administrativo, no prazo de dous meses contados a partir do día seguinte ao da notificación.

Artigo 29º.-Acumulación e compatibilidade das axudas.

1. A contía máxima percibida por beneficiario non poderá exceder os 60.000 euros para cada convocatoria para o conxunto de todas as liñas establecidas. No caso de asociacións ou agrupacións de produtores, esta cantidade poderá chegar ata os 100.000 euros por exercicio fiscal.

2. As subvencións previstas nesta orde serán compatibles con calquera outra que, para a mesma finalidade e obxecto, puidesen establecer outras administracións públicas ou outros entes públicos ou privados, nacionais ou internacionais.

3. A obtención concorrente de axudas outorgadas para a mesma finalidade por todas as administracións ou entes públicos ou privados, nacionais ou internacionais, cando o importe total das subvencións percibidas por cada beneficiario supere o custo de toda a actividade que vaia desenvolver para o período de que se trate, dará lugar á redución proporcional que corresponda no importe das subvencións reguladas por esta orde, ata axustarse a ese límite.

Se, aínda así, a suma de subvencións supón unha intensidade da axuda superior aos máximos establecidos nesta orde ou na normativa estatal ou comunitaria aplicable, reducirase ata o citado límite.

Artigo 30º.-Control da execución dos programas.

O control da execución dos programas levarao a cabo a Dirección Xeral de Produción, Industrias e Calidade Agroalimentaria, realizando as comprobacións e inspeccións que considere necesarias, co fin de comprobar a veracidade dos datos e da documentación presentada, así como o lóxico seguimento e control das axudas concedidas, e facilitará toda a información que lle sexa requirida pola Intervención Xeral da Comunidade Autónoma, nos termos que establece a Lei 38/2003, do 17 de novembro, xeral de subvencións; a Lei 9/2007, de subvencións de Galicia, e a súa normativa de desenvolvemento. Así mesmo, estará sometida ás actuacións de comprobación previstas na lexislación do Tribunal de Contas e do Consello de Contas no exercicio das súas funcións de fiscalización e control do destino das axudas.

Artigo 31º.-Modificación da resolución.

1. Producirase a perda do dereito ao cobramento total ou parcial da subvención no suposto de falta de xustificación ou de concorrencia dalgunha das cau-

sas previstas no artigo 33 da Lei 38/2003, do 17 de novembro, xeral de subvencións.

2. Toda alteración das condicións tidas en conta para a concesión da subvención poderá dar lugar á modificación da resolución de concesión.

3. Así mesmo, a obtención concorrente de subvencións outorgadas por outras administracións ou entes públicos ou privados, nacionais ou internacionais, cando o importe total das axudas percibidas por cada beneficiario supere os máximos previstos nesta orde ou na normativa comunitaria aplicable, dará lugar á redución proporcional que corresponda no importe das subvencións reguladas nesta orde, ata respectar o devandito límite.

Artigo 32º.-Incumprimento e reintegro.

1. O incumprimento dos requisitos exixidos para a concesión da subvención, con independencia doutras responsabilidades en que puidese incurrir o beneficiario, dará lugar á perda do dereito á subvención concedida, coa obriga de reembolsar as cantidades, de ser o caso, percibidas, incrementadas cos xuros de mora legais.

2. En caso de incumprimentos parciais relativos ás actividades subvencionables, procederase á redución proporcional das subvencións concedidas ou aboadas.

3. O interesado ten a obriga do reintegro, total ou parcial, da subvención ou axuda pública percibida xunto cos xuros de mora xerados desde o seu pagamento nos supostos de incumprimento das condicións establecidas para a súa concesión e nos casos establecidos no artigo 37.1º da Lei 38/2003, do 17 de novembro.

Artigo 33º.-Obriga de facilitar información.

O interesado ten a obriga de facilitar toda a información que lle sexa requirida pola Intervención Xeral da Comunidade Autónoma, o Tribunal de Contas e o Consello de Contas, no exercicio das súas funcións de fiscalización e control do destino das axudas, así como as que lle solicite calquera órgano comunitario de inspección ou control.

Artigo 34º.-Prazo de realización das actuacións e xustificacións.

1. As xustificacións técnicas e económicas da realización do programa deberán dirixirse, antes do 15 de novembro, á Dirección Xeral de Producción, Industrias e Calidade Agroalimentaria.

2. Por regra xeral, os gastos realizados polo beneficiario final deberán xustificarse mediante facturas orixinais pagadas mediante transferencia bancaria. Nos casos en que isto non sexa posible, os gastos xustificaranse por medio de documentos contables de valor probatorio equivalente e sempre mediante transferencia bancaria. Para efectuar o pagamento da axuda concedida é necesario que os beneficiarios

presenten os xustificantes orixinais de investimento total, transferencia bancaria dos pagamentos, unha relación informatizada destes e unha memoria explicativa sobre a realización das actividades auxiliares, que probe a prestación efectiva dos servizos. Para cada concepto, presentárase unha táboa comparativa entre os gastos realizados, debidamente xustificadas, e os presentados no orzamento inicial. A relación informatizada das facturas debe constar dos seguintes campos: concepto, proveedor, número de factura, data de emisión e data de pagamento, base imponible, importe correspondente ao IVE e importe total con IVE.

3. Considérase gasto realizado o que foi efectivamente pagado, de xeito que aqueles gastos presentados dos cales non se xustifique o pagamento mediante transferencia bancaria terán que se xustificar do mesmo xeito no momento en que se realicen, para que a axuda se poida pagar. Non se considerará gasto realizado o IVE, excepto no caso de beneficiarios que acrediten estar exentos do imposto sobre o valor engadido pola axencia tributaria.

4. De acordo co artigo 30, punto 4º, da Lei 38/2003, do 17 de novembro, xeral de subvencións, cando as actividades fosen financiadas, ademais de coa subvención, con fondos propios ou con outras subvencións ou recursos, deberá acreditarse na xustificación o importe, a procedencia e a aplicación de tales fondos ás actividades subvencionadas.

5. De acordo co artigo 31, punto 3º, da Lei 38/2003, do 17 de novembro, xeral de subvencións, cando o importe do gasto subvencionable supere a contía de 30.000 euros, no suposto de custo por execución de obra, ou de 12.000 euros no caso de subministración de bens de equipo ou prestación de servizos por empresas de consultoría ou asistencia técnica, o beneficiario deberá solicitar, como mínimo, tres ofertas de diferentes provedores, con carácter previo á contratación do compromiso para a prestación do servizo ou a entrega do ben, salvo que polas especiais características dos gastos subvencionables non exista no mercado suficiente número de entidades que o subministren ou presten ou salvo que o gasto se realizase con anterioridade á solicitude da subvención.

A elección entre as ofertas presentadas, que se deberán achegar na xustificación, ou, se é o caso, na solicitude da subvención, realizarase conforme criterios de eficiencia e economía e debe xustificarse expresamente nunha memoria cando non recaia na proposta económica máis vantaxosa.

6. As actividades obxecto de subvención deberán realizarse con posterioridade á presentación da solicitude e, conforme o disposto no capítulo III das directrices comunitarias sobre axudas estatais ao Sector agrario e forestal 2007-2013 (2006/C 319/01) e no artigo 18 do Regulamento (CE) nº 1857/2006, da Comisión, do 15 de decembro de 2006, sobre a aplicación dos artigos 87 e 88 do Tratado ás axudas

estatais para as pequenas e medianas empresas dedicadas á produción de produtos agrícolas e polo que se modifica o Regulamento (CE) nº 70/2001, non se poderán subvencionar actividades levadas a cabo con anterioridade á aceptación expresa e vinculante para a autoridade competente da solicitude da axuda presentada.

7. En calquera caso, coa xustificación e se houber modificación da declaración anterior, o peticionario presentará unha declaración complementaria do conxunto das axudas solicitadas, tanto as aprobadas ou concedidas como as pendentes de resolución, para un mesmo proxecto, das distintas administracións públicas competentes ou calquera dos seus organismos, entes ou sociedades, así como doutros ingresos ou recursos que financien as actividades subvencionadas.

Artigo 35º.-*Infraccións e sancións.*

Aos/ás beneficiarios/as das axudas reguladas nestas bases seranlles de aplicación o réxime de infraccións e sancións previsto nos artigos 50 e seguintes da Lei 9/2007, do 13 de xuño, de subvencións de Galicia, e a súa normativa de desenvolvemento.

Artigo 36º.-*Financiamento.*

As axudas que deriven da aplicación desta orde proceden dos orzamentos xerais do Estado, e financiaranse con cargo ás seguintes aplicacións orzamentarias:

Aplicación 11.03.713_C 771.2 dotada para esta finalidade cun importe máximo de 257.213,50 euros.

A concesión da axuda someterase á condición suspensiva da existencia de crédito adecuado e suficiente no momento da resolución.

Así mesmo, os importes dos orzamentos xerais da Comunidade Autónoma de Galicia cos cales se financiarán estas axudas poderanse incrementar con fondos comunitarios, estatais ou autonómicos achegados para o efecto.

Disposicións adicionais

Primeira.-En todas aquelas cuestións non previstas nesta orde será de aplicación o disposto na Lei 38/2003, do 17 de novembro, xeral de subvencións; no Real decreto 887/2006, do 21 de xullo, polo que se aproba o Regulamento da Lei 38/2003, e na Lei 9/2007, do 13 de xuño, de subvencións de Galicia e a súa normativa de desenvolvemento.

Segunda.-As axudas reguladas por esta orde rexeranse polas normas comunitarias aplicables e concretamente, no caso das axudas ás pequenas e medianas empresas agrarias, o Regulamento (CE) nº 1857/2006 da Comisión, do 15 de decembro de 2006, sobre a aplicación dos artigos 87 e 88 do Tratado ás axudas estatais para as pequenas e medianas empresas dedicadas á produción de produtos agrícola-

las e polo que se modifica o Regulamento (CE) nº 70/2001, DO L 358, do 16 de decembro de 2006; o Regulamento (CE) nº 1998/2006 da Comisión, do 15 de decembro de 2006, relativo á aplicación dos artigos 87 e 88 do Tratado ás axudas *de minimis*, DO L 379, do 28 de decembro de 2006; e o Regulamento (CE) nº 800/2008 da Comisión, do 6 de agosto de 2008, polo que se declaran determinadas categorías de axuda compatibles co mercado común en aplicación dos artigos 87 e 88 do Tratado (Regulamento xeral de extensión por categorías), DO L 214, do 9 de agosto de 2008, e o Real decreto 1643/2008, do 10 de outubro, que establece as bases reguladoras das subvencións estatais destinadas ao sector equino.

Terceira.-De conformidade co artigo 13.4º da Lei 4/2006, do 30 de xuño, de transparencia e de boas prácticas na Administración pública galega, a Consellería do Medio Rural publicará na súa páxina web oficial as concesións das axudas reguladas nesta orde, polo que a presentación da solicitude leva implícita autorización para o tratamento necesario dos datos dos beneficiarios e da súa publicación na citada páxina web.

Así mesmo, de acordo co establecido na disposición adicional primeira do Decreto 132/2006, do 27 de xullo, de creación dos rexistros de axudas, subvencións e convenios e sancións da Xunta de Galicia, a persoa solicitante da axuda consentirá expresamente a inclusión e publicidade dos datos relevantes referidos ás axudas e subvencións recibidas, así como ás sancións impostas, de ser o caso.

Cuarta.-De conformidade co artigo 9.1º da Lei 38/2003, de 17 de novembro, o pagamento das axudas reguladas na sección primeira do capítulo segundo e na sección segunda, artigo 9º.7, desta orde quedará condicionado á decisión positiva da Comisión Europea de acordo co establecido no artigo 88.3º do Tratado Constitutivo da Comunidade Europea.

Quinta.-O outorgamiento das axudas reguladas no capítulo II, sección segunda, artigo 9, puntos 1, 2, 3, 4, 5, 6 e 8, queda condicionado á publicación do número de rexistro da solicitude de exención na páxina web da Dirección Xeral de Agricultura e Desenvolvemento Rural da Comisión Europea, e non serán aplicables antes da devandita data.

Disposicións derradeiras

Primeira.-Facúltase o director xeral de Produción, Industrias e Calidade Agroalimentaria para ditar cantas disposicións sexan necesarias para a aplicación desta orde.

Segunda.-Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 18 de febreiro de 2009.

Alfredo Suárez Canal
Conselleiro do Medio Rural



XUNTA DE GALICIA
CONSELLERÍA DO MEDIO RURAL

ANEXO I



PROCEDIMENTO AXUDAS Á PEQUENAS E MEDIANAS EMPRESAS AGRARIAS OU EXPLORACIÓNS AGRARIAS DEDICADAS Á PRODUCCIÓN E CRÍA DE EQUIDOS PARA A REALIZACIÓN DE INVESTIMENTOS	CÓDIGO DO PROCEDIMENTO MR538A	DOCUMENTO SOLICITUDE
---	---	--------------------------------

DATOS DO SOLICITANTE

ENTIDADE		CIF	
[]		[]	
ENDEREZO		PROVINCIA	CONCELLO
[]		[]	[]
CÓDIGO POSTAL	TELÉFONO	FAX	CORREO ELECTRÓNICO
[]	[]	[]	[]

E na súa representación:

APELIDOS		NOME	NIF
[]		[]	[]
ENDEREZO		PROVINCIA	CONCELLO
[]		[]	[]
CÓDIGO POSTAL	TELÉFONO	FAX	CORREO ELECTRÓNICO
[]	[]	[]	[]

DATOS BANCARIOS

CÓDIGO DO BANCO	CÓDIGO DA SUCURSAL	DÍXITOS CONTROL	CÓDIGO DA CONTA CORRENTE
[]	[]	[]	[]
NOME DA ENTIDADE BANCARIA		OFICINA	
[]		[]	

DOCUMENTACIÓN QUE SE XUNTA

<input type="checkbox"/> ACREDITACIÓN DA PERSONALIDADE XURÍDICA DA ENTIDADE SOLICITANTE, SE PROCEDE, MEDIANTE CERTIFICACIÓN DE INSCRICIÓN E VIXENCIA EMITIDA POLO REXISTRO CORRESPONDENTE. <input type="checkbox"/> ACREDITACIÓN DA REPRESENTATIVIDADE DO SOLICITANTE, SE PROCEDE. <input type="checkbox"/> FOTOCOPIA COMPULSADA DO CÓDIGO DE IDENTIFICACIÓN FISCAL E DO NÚMERO DE REXISTRO XERAL DE EXPLORACIÓNS GANDEIRAS (REGA). <input type="checkbox"/> CERTIFICADO ORIXINAL DA ENTIDADE FINANCEIRA SOBRE A TITULARIDADE DA CONTA EN QUE SE SOLICITA O INGRESO DO IMPORTE DA AXUDA. <input type="checkbox"/> DECLARACIÓN DO CONXUNTO DE TODAS AS SOLICITUDES EFECTUADAS OU CONCEDIDAS, PARA O MESMO PROXECTO, DAS DISTINTAS ADMINISTRACIÓNS PÚBLICAS COMPETENTES OU CALQUERA DOS SEUS ORGANISMOS, ENTES OU SOCIEDADES, ASÍ COMO DOUTROS INGRESOS OU RECURSOS QUE FINANCIEN O PROXECTO, E DE QUE NON SE ESTÁ INCURSO NALGUNHA DAS CAUSAS DE PROHIBICIÓN PREVISTAS NA NORMATIVA APLICABLE EN MATERIA DE SUBVENCIÓNS, OU DEBIDAMENTE ASINADA A DECLARACIÓN QUE FIGURA NO ANEXO V. <input type="checkbox"/> MEMORIA TÉCNICA ELABORADA POR UN TITULADO UNIVERSITARIO EN DISCIPLINA DE CONTIDO AGRARIO OU BIOLÓXICO NA CAL SE EXPOÑA O CONXUNTO DO PROXECTO, SUFICIENCIA PARA A VIABILIDADE ECONÓMICA DA EXPLORACIÓN, A SÚA REPERCUSIÓN NO MEDIO ONDE SE DESENVOLVA, ASÍ COMO A XUSTIFICACIÓN, DE SER O CASO, DA EXISTENCIA NO PROXECTO DE VARIOS CRITERIOS OBXECTIVOS DE PRELACIÓN. <input type="checkbox"/> AVALIACIÓN ECONÓMICA DOS GASTOS QUE SE VAN REALIZAR. <input type="checkbox"/> DOCUMENTACIÓN ACREDITATIVA DE TRATARSE DA PRIMEIRA INSTALACIÓN COMO EXPLORACIÓN GANDEIRA EQUINA, DE SER O CASO. <input type="checkbox"/> ACORDOS DE COMERCIALIZACIÓN EXISTENTES, DE SER O CASO. <input type="checkbox"/> COMPROMISO DE CUMPRIMENTO NA SÚA EXPLORACIÓN OU EMPRESA AGRARIA DAS NORMAS MÍNIMAS EN MATERIA SANITARIA, DE IDENTIFICACIÓN, ALIMENTACIÓN, MEDIO NATURAL, HIXIENE E BENESTAR DOS ANIMAIS, DE CONFORMIDADE COA NORMATIVA COMUNITARIA, NACIONAL, AUTONÓMICA, OU DEBIDAMENTE ASINADA A DECLARACIÓN QUE FIGURA NO ANEXO VI.

O/A abaixo asinante, en representación da entidade solicitante, declara que ten coñecemento da normativa reguladora desta axuda e dos compromisos que asume a entidade, e cada un dos seus membros, no desenvolvemento das actividades subvencionadas e das normas mínimas autonómicas, estatais e comunitarias en materia sanitaria, de identificación, rexistro, alimentación, medicamentos, hixiene e benestar dos animais. Polo tanto, solicita que lle sexa concedida a axuda establecida na Orde do 18 de febreiro de 2009, da Consellería do Medio Rural, pola que se establecen axudas para o fomento e desenvolvemento do sector equino.

EXPÓN:

Que autoriza a Consellería do Medio Rural para incluír e facer público, nos rexistros de axudas, subvencións e convenios e de sancións, regulados no Decreto 132/2006, do 27 de xullo, os datos relevantes referidos ás axudas e subvencións recibidas, así como ás sancións impostas; e que autoriza a Consellería do Medio Rural para o tratamento necesario dos seus datos, para os efectos de dar cumprimento ao previsto no artigo 13.4º da Lei 4/2006, do 30 de xuño, de transparencia e de boas prácticas na Administración pública galega, para publicar na súa páxina web oficial a relación dos beneficiarios e o importe das axudas concedidas.

En cumprimento do disposto no artigo 5 da Lei orgánica 15/1999, de protección de datos de carácter persoal, infórmo/a de que os datos persoais recollidos nesta solicitude se incorporarán a un ficheiro para o seu tratamento, coa finalidade da xestión deste procedemento. Vostede pode exercer os dereitos de acceso, rectificación, cancelación e oposición previstos na lei, dirixindo un escrito a esta consellería como responsable do ficheiro (o enderezo figura ao pé desta solicitude).

LEXISLACIÓN APLICABLE - Orde do 18 de febreiro de 2009 pola que se establecen as bases reguladoras das axudas destinadas ao sector equino para o seu fomento e desenvolvemento, no ámbito da Comunidade Autónoma de Galicia, e se convocan no ano 2009. - Real decreto 1643/2008, do 10 de outubro, que establece as bases reguladoras das subvencións estatais destinadas ao sector equino.	(Para cubrir pola Administración) RECIBIDO [] REVISADO E CONFORME []	NÚMERO DE EXPEDIENTE _____ DATA DE ENTRADA ____/____/____ DATA DE EFECTOS ____/____/____ DATA DE SAÍDA ____/____/____
SINATURA DO/A SOLICITANTE OU PERSOA QUE O/A REPRESENTA Lugar e data _____, de _____ de 2009 Conselleiro do Medio Rural		



ANEXO II



PROCEDEMENTO AXUDAS ÁS CMVMC, ASOCIACIÓNS E AGRUPACIÓNS DE PRODUTORES DE ÉQUIDOS	CÓDIGO DO PROCEDEMENTO MR538B	DOCUMENTO SOLICITUDE
--	---	--------------------------------

DATOS DO SOLICITANTE

ENTIDADE			CIF
ENDEREZO			CONCELLO
CÓDIGO POSTAL	TELÉFONO	FAX	CORREO ELECTRÓNICO

E na súa representación:

APELIDOS		NOME	NIF
ENDEREZO		CONCELLO	
CÓDIGO POSTAL	TELÉFONO	FAX	CORREO ELECTRÓNICO

DATOS BANCARIOS

CÓDIGO DO BANCO	CÓDIGO DA SUCURSAL	DÍXITOS CONTROL	CÓDIGO DA CONTA CORRENTE
NOME DA ENTIDADE BANCARIA		OFICINA	

DOCUMENTACIÓN QUE SE XUNTA

- ACREDITACIÓN DA PERSONALIDADE XURÍDICA DA ENTIDADE SOLICITANTE.
- CERTIFICADO DE INSCRIPCIÓN NO REXISTRO E ESTATUTOS DA ASOCIACIÓN OU AGRUPACIÓN.
- ACREDITACIÓN DA REPRESENTATIVIDADE DO SOLICITANTE.
- FOTOCOPIA COMPULSADA DO CÓDIGO DE IDENTIFICACIÓN FISCAL E DO NÚMERO DE REXISTRO XERAL DE EXPLOTACIÓNS GANDEIRAS (REGA).
- CERTIFICADO ORIXINAL DA ENTIDADE FINANCEIRA SOBRE A TITULARIDADE DA CONTA EN QUE SE SOLICITA O INGRESO DO IMPORTE DA AXUDA.
- DECLARACIÓN DO CONXUNTO DE TODAS AS SOLICITUDES EFECTUADAS OU CONCEDIDAS, PARA O MESMO PROXECTO, DAS DISTINTAS ADMINISTRACIÓNS PÚBLICAS COMPETENTES OU CALQUERA DOS SEUS ORGANISMOS, ENTES OU SOCIEDADES, ASÍ COMO DOUTROS INGRESOS OU RECURSOS QUE FINANCIEN O PROXECTO, E DE QUE NON ESTÁ INCURSO NALGUNHA DAS CAUSAS DE PROHIBICIÓN PREVISTAS NA NORMATIVA APLICABLE EN MATERIA DE SUBVENCIÓNS, OU DEBIDAMENTE ASINADA A DECLARACIÓN QUE FIGURA NO ANEXO V.
- MEMORIA TÉCNICA ELABORADA POR UN TITULADO UNIVERSITARIO EN DISCIPLINA DE CONTIDO AGRARIO OU BIOLÓXICO NA CAL SE EXPÕNA O CONXUNTO DO PROXECTO, A SUFICIENCIA PARA A VIABILIDADE ECONÓMICA DA ASOCIACIÓN OU AGRUPACIÓN, A SÚA REPERCUSIÓN NO MEDIO ONDE SE DESENVOLVA, ASÍ COMO A XUSTIFICACIÓN, DE SER O CASO, DA EXISTENCIA NO PROXECTO DE VARIOS CRITERIOS OBXECTIVOS DE PRELACIÓN.
- AVALIACIÓN ECONÓMICA DOS GASTOS QUE SE VAN REALIZAR.
- RELACIÓN DE INTEGRANTES DA ASOCIACIÓN OU AGRUPACIÓN, NÚMERO DE IDENTIFICACIÓN FISCAL, Nº REGA DAS SÚAS EXPLOTACIÓNS.
- ACREDITACIÓN OU CERTIFICACIÓN DA ACTA DE REUNIÓN DA XUNTA DIRECTIVA POLA QUE SE ACORDA A EXIXENCIA A TODOS OS SOCIOS OU INTEGRANTES DO CUMPRIMENTO DAS NORMAS MÍNIMAS EN MATERIA SANITARIA, IDENTIFICACIÓN, ALIMENTACIÓN, MEDIO NATURAL, HIXIENE E BENESTAR DOS ANIMAIS, DE CONFORMIDADE COA NORMATIVA COMUNITARIA, NACIONAL E AUTÓNOMICA.

O/A abaixo asinante, en representación da entidade solicitante, declara que ten coñecemento da normativa reguladora desta axuda e dos compromisos que asume a entidade, e cada un dos seus membros, no desenvolvemento das actividades subvencionadas e das normas mínimas autonómicas, estatais e comunitarias en materia sanitaria, de identificación, rexistro, alimentación, medicamentos, hixiene e benestar dos animais. Polo tanto, solicita que lle sexa concedida a axuda establecida na Orde do 18 de febreiro de 2009, da Consellería do Medio Rural, pola que se establecen axudas para o fomento e desenvolvemento do sector equino.

EXPÓN:
Que autoriza a Consellería do Medio Rural para incluír e facer público, nos rexistros de axudas, subvencións e convenios e de sancións, regulados no Decreto 132/2006, do 27 de xullo, os datos relevantes referidos ás axudas e subvencións recibidas, así como ás sancións impostas; e que autoriza a Consellería do Medio Rural para o tratamento necesario dos seus datos, para os efectos de dar cumprimento ao previsto no artigo 13.4º da Lei 4/2006, do 30 de xuño, de transparencia e de boas prácticas na Administración pública galega, para publicar na súa páxina web oficial a relación dos beneficiarios e o importe das axudas concedidas.

En cumprimento do disposto no artigo 5 da Lei orgánica 15/1999, de protección de datos de carácter persoal, infórmo/a de que os datos persoais recollidos nesta solicitude se incorporarán a un ficheiro para o seu tratamento coa finalidade da xestión deste procedemento. Vostede pode exercer os dereitos de acceso, rectificación, cancelación e oposición previstos na lei, dirixindo un escrito a esta consellería como responsable do ficheiro (o enderezo figura ao pé desta solicitude).

LEXISLACIÓN APLICABLE - Orde do 18 de febreiro de 2009 pola que se establecen as bases reguladoras das axudas destinadas ao sector equino para o seu fomento e desenvolvemento, no ámbito da Comunidade Autónoma de Galicia, e se convocan no ano 2009. - Real decreto 1643/2008, do 10 de outubro, que establece as bases reguladoras das subvencións estatais destinadas ao sector equino.	(Para cubrir pola Administración) RECIBIDO REVISADO E CONFORME	NÚMERO DE EXPEDIENTE DATA DE ENTRADA DATA DE EFECTOS DATA DE SAÍDA
SINATURA DO/A SOLICITANTE OU PERSOA QUE O/A REPRESENTA Lugar e data _____, de _____ de 2009		

Conselleiro do Medio Rural



XUNTA DE GALICIA
CONSELLERÍA DO MEDIO RURAL

ANEXO III



PROCEDIMIENTO AXUDAS ÁS PEQUENAS E MEDIANAS EMPRESAS AGRARIAS EQUINAS DEDICADAS Á TRANSFORMACIÓN E COMERCIALIZACIÓN DE CARNE DE CABALO	CÓDIGO DO PROCEDEMENTO MR538C	DOCUMENTO SOLICITUDE
--	---	--------------------------------

DATOS DO SOLICITANTE

ENTIDADE		CIF	
[]		[]	
ENDEREZO		PROVINCIA	CONCELLO
[]		[]	[]
CÓDIGO POSTAL	TELÉFONO	FAX	CORREO ELECTRÓNICO
[]	[]	[]	[]

E na súa representación:

APELIDOS		NOME	NIF
[]		[]	[]
ENDEREZO		PROVINCIA	CONCELLO
[]		[]	[]
CÓDIGO POSTAL	TELÉFONO	FAX	CORREO ELECTRÓNICO
[]	[]	[]	[]

DATOS BANCARIOS

CÓDIGO DO BANCO	CÓDIGO DA SUCURSAL	DÍXITOS CONTROL	CÓDIGO DA CONTA CORRENTE
[]	[]	[]	[]
NOME DA ENTIDADE BANCARIA		OFICINA	
[]		[]	

DOCUMENTACIÓN QUE SE XUNTA

<input type="checkbox"/> ACREDITACIÓN DA PERSONALIDADE XURÍDICA DA ENTIDADE SOLICITANTE, SE PROCEDE, MEDIANTE CERTIFICACIÓN DE INSCRIPCIÓN E VIXENCIA EMITIDA POLO REXISTRO MERCANTIL. <input type="checkbox"/> ACREDITACIÓN DA REPRESENTATIVIDADE DO SOLICITANTE, SE PROCEDE. <input type="checkbox"/> FOTOCOPIA COMPULSADADO CÓDIGO DE IDENTIFICACIÓN FISCAL <input type="checkbox"/> CERTIFICADO ORIXINAL DA ENTIDADE FINANCEIRA SOBRE A TITULARIDADE DA CONTA EN QUE SE SOLICITA O INGRESO DO IMPORTE DA AXUDA. <input type="checkbox"/> DECLARACIÓN DO CONXUNTO DE TODAS AS SOLICITUDES EFECTUADAS OU CONCEDIDAS, PARA O MESMO PROXECTO, DAS DISTINTAS ADMINISTRACIÓNS PÚBLICAS COMPETENTES OU CALQUERA DOS SEUS ORGANISMOS, ENTES OU SOCIEDADES, ASÍ COMO DOUTROS INGRESOS OU RECURSOS QUE FINANCIEN O PROXECTO, E DE QUE NON ESTÁ INCURSO NALGUNHA DAS CAUSAS DE PROHIBICIÓN PREVISTAS NA NORMATIVA APLICABLE EN MATERIA DE SUBVENCIÓNS, OU DEBIDAMENTE ASINADA A DECLARACIÓN QUE FIGURA NO ANEXO V. <input type="checkbox"/> MEMORIA TÉCNICA ELABORADA POR UN TITULADO UNIVERSITARIO EN DISCIPLINA DE CONTIDO AGRARIO OU BIOLÓXICO NA CAL SE EXPOÑA O CONXUNTO DO PROXECTO, A SÚA VIABILIDADE ECONÓMICA, A SÚA REPERCUSIÓN NO MEDIO ONDE SE DESENVOLVA, ASÍ COMO A XUSTIFICACIÓN, DE SER O CASO, DA EXISTENCIA NO PROXECTO DE VARIOS CRITERIOS OBOXECTIVOS DE PRELACIÓN . <input type="checkbox"/> AVALIACIÓN ECONÓMICA DOS GASTOS QUE SE VAN REALIZAR. <input type="checkbox"/> DOCUMENTOS ACREDITATIVOS DA VIABILIDADE ECONÓMICA DA EMPRESA <input type="checkbox"/> RELACIÓN DE PRODUTORES EQUINOS, EXPLOTACIÓNS VINCULADAS, NÚMERO DE IDENTIFICACIÓN FISCAL DESTES E DOMICILIO DA EXPLOTACIÓN, COS CALES TEÑAN SUBSCRITO ACORDOS AGROALIMENTARIOS E DE COMERCIALIZACIÓN, XUNTAN COPIA DOS RESPECTIVOS CONTRATOS E DO COMPROMISO POR ESCRITO POR PARTE DESTES DO CUMPRIMENTO DAS NORMAS EN VIGOR SOBRE AMBIENTE, HIXIENE, SANIDADE, REXISTRO E IDENTIFICACIÓN DE ANIMAIS, DOS PROGRAMAS SANITARIOS APROBADOS, E DOS CÓDIGOS DE BOAS PRÁCTICAS HIXIÉNICAS, NAS EXPLOTACIÓNS VINCULADAS. <input type="checkbox"/> MEMORIA DESCRIPTIVA DO SISTEMA DE RASTREXABILIDADE NA PRODUCCIÓN, DE ANÁLISE DE PERIGOS E PUNTOS DE CONTROL CRÍTICOS EN TODO O PROCESO PRODUTIVO, ASÍ COMO DO PROTOCOLO PARA A XESTIÓN DOS SUBPRODUTOS XERADOS DURANTE O PROCESO <input type="checkbox"/> DECLARACIÓN, ESCRITA OU EN SOPORTE ELECTRÓNICO, SOBRE CALQUERA OUTRA AXUDA DE MINIMIS RECIBIDA DURANTE OS DOUS EXERCICIOS ANTERIORES E DURANTE O EXERCICIO FISCAL EN CURSO

O/A abaixo asinante, en representación da entidade solicitante, declara que ten coñecemento da normativa reguladora desta axuda e dos compromisos que asume a entidade, e cada un dos seus membros, no desenvolvemento das actividades subvencionadas e das normas mínimas autonómicas, estatais e comunitarias en materia sanitaria, de identificación, rexistro, alimentación, medicamentos, hixiene e benestar dos animais. Polo tanto, solicita que lle sexa concedida a axuda establecida na Orde do 18 de febreiro de 2009, da Consellería do Medio Rural, pola que se establecen axudas para o fomento e desenvolvemento do sector equino.

EXPÓN:

Que autoriza a Consellería do Medio Rural para incluír e facer público, nos rexistros de axudas, subvencións e convenios e de sancións, regulados no Decreto 132/2006, do 27 de xullo, os datos relevantes referidos ás axudas e subvencións recibidas, así como ás sancións impostas; e que autoriza a Consellería do Medio Rural para o tratamento necesario dos seus datos, para os efectos de dar cumprimento ao previsto no artigo 13.4º da Lei 4/2006, do 30 de xuño, de transparencia e de boas prácticas na Administración pública galega, para publicar na súa páxina web oficial a relación dos beneficiarios e o importe das axudas concedidas.

En cumprimento do disposto no artigo 5 da Lei orgánica 15/1999, de protección de datos de carácter persoal, informoo/a de que os datos persoais recollidos nesta solicitude se incorporarán a un ficheiro para o seu tratamento coa finalidade da xestión deste procedemento. Vostede pode exercer os dereitos de acceso, rectificación, cancelación e oposición previstos na lei, dirixindo un escrito a esta consellería como responsable do ficheiro (o enderezo figura ao pé desta solicitude).

LEXISLACIÓN APLICABLE - Orde do 18 de febreiro de 2009 pola que se establecen as bases reguladoras das axudas destinadas ao sector equino para o seu fomento e desenvolvemento, no ámbito da Comunidade Autónoma de Galicia, e se convocan no ano 2009. -Real decreto 1643/2008, do 10 de outubro, que establece as bases reguladoras das subvencións estatais destinadas ao sector equino.	(Para cubrir pola Administración) RECIBIDO [] REVISADO E CONFORME []	NÚMERO DE EXPEDIENTE _____ DATA DE ENTRADA ____/____/____ DATA DE EFECTOS ____/____/____ DATA DE SAIDA ____/____/____
SINATURA DO/A SOLICITANTE OU PERSOA QUE O/A REPRESENTA Lugar e data _____, de _____ de 2009	Conselleiro do Medio Rural	



ANEXO IV



PROCEDIMENTO AXUDAS ÁS PEQUENAS E MEDIANAS EMPRESAS NON AGRARIAS E A OUTRAS INSTITUCIÓNS	CÓDIGO DO PROCEDIMENTO MR538D	DOCUMENTO SOLICITUDE
---	---	--------------------------------

DATOS DO SOLICITANTE

ENTIDADE		CIF	
[]		[]	
ENDEREZO		PROVINCIA	CONCELLO
[]		[]	[]
CÓDIGO POSTAL	TELÉFONO	FAX	CORREO ELECTRÓNICO
[]	[]	[]	[]

E na súa representación:

APELIDOS	NOME	NIF	
[]	[]	[]	
ENDEREZO	PROVINCIA	CONCELLO	
[]	[]	[]	
CÓDIGO POSTAL	TELÉFONO	FAX	CORREO ELECTRÓNICO
[]	[]	[]	[]

DATOS BANCARIOS

CÓDIGO DO BANCO	CÓDIGO DA SUCURSAL	DÍXITOS CONTROL	CÓDIGO DA CONTA CORRENTE
[]	[]	[]	[]
NOME DA ENTIDADE BANCARIA		OFICINA	
[]		[]	

DOCUMENTACIÓN QUE SE XUNTA

- ACREDITACIÓN DA PERSONALIDADE XURÍDICA DA ENTIDADE SOLICITANTE, SE PROCEDE, MEDIANTE CERTIFICACIÓN DE INSCRICIÓN E VIXENCIA EMITIDA POLO REXISTRO MERCANTIL.
- ACREDITACIÓN DA REPRESENTATIVIDADE DO SOLICITANTE, SE PROCEDE.
- FOTOCOPIA COMPULSADA DO CÓDIGO DE IDENTIFICACIÓN FISCAL E DO NÚMERO DE REXISTRO XERAL DE EXPLOTACIÓNS GANDEIRAS (REGA).
- CERTIFICADO ORIXINAL DA ENTIDADE FINANCEIRA SOBRE A TITULARIDADE DA CONTA EN QUE SE SOLICITA O INGRESO DO IMPORTE DA AXUDA.
- DECLARACIÓN DO CONXUNTO DE TODAS AS SOLICITUDES EFECTUADAS OU CONCEDIDAS, PARA O MESMO PROXECTO, DAS DISTINTAS ADMINISTRACIÓNS PÚBLICAS COMPETENTES OU CALQUERA DOS SEUS ORGANISMOS, ENTES OU SOCIEDADES, ASÍ COMO DOUTROS INGRESOS OU RECURSOS QUE FINANCIEN O PROXECTO, E DE QUE NON ESTÁ INCURSO NALGUNHA DAS CAUSAS DE PROHIBICIÓN PREVISTAS NA NORMATIVA APLICABLE EN MATERIA DE SUBVENCIÓNS, OU DEBIDAMENTE ASINADA A DECLARACIÓN QUE FIGURA NO ANEXO V.
- MEMORIA TÉCNICA ELABORADA POR UN TITULADO UNIVERSITARIO EN DISCIPLINA DE CONTIDO AGRARIO OU BIOLÓXICO NA CAL SE EXPOÑA O CONXUNTO DO PROXECTO, A SÚA VIABILIDADE ECONÓMICA, A SÚA REPERCUSIÓN NO MEDIO ONDE SE DESENVOLVA, ASÍ COMO A XUSTIFICACIÓN, DE SER O CASO, DA EXISTENCIA NO PROXECTO DE VARIOS CRITERIOS OBXECTIVOS DE PRELACIÓN.
- AVALIACIÓN ECONÓMICA DOS GASTOS QUE SE VAN REALIZAR.
- DOCUMENTOS ACREDITATIVOS DA VIABILIDADE ECONÓMICA DA EMPRESA
- DOCUMENTACIÓN ACREDITATIVA DE POSUÍR A CAPACIDADE PROFESIONAL SUFICIENTE, DO PERSOAL RESPONSABLE DOS ANIMAIS, OU PLAN DE FORMACIÓN QUE SE LEVARÁ A CABO.
- MEMORIA DO PROGRAMA SANITARIO QUE SE DESENVOLVERÁ, VISADO E SUPERVISADO POR UN VETERINARIO, FACENDO MENCIÓN ESPECÍFICA Á XESTIÓN DE SUBPRODUTOS XERADOS NA ACTIVIDADE QUE SE LEVA A CABO COS ÉQUIDOS.
- DECLARACIÓN, ESCRITA OU EN SOPORTE ELECTRÓNICO, SOBRE CALQUERA OUTRA AXUDA DE MINIMIS RECIBIDA DURANTE OS DOUS EXERCICIOS ANTERIORES E DURANTE O EXERCICIO FISCAL EN CURSO

O/A abaixo asinante, en representación da entidade solicitante, declara que ten coñecemento da normativa reguladora desta axuda e dos compromisos que asume a entidade, e cada un dos seus membros, no desenvolvemento das actividades subvencionadas e das normas mínimas autonómicas, estatais e comunitarias en materia sanitaria, de identificación, rexistro, alimentación, medicamentos, hixiene e benestar dos animais. Polo tanto, solicita que lle sexa concedida a axuda establecida na Orde do 18 de febreiro de 2009, da Consellería do Medio Rural, pola que se establecen axudas para o fomento e desenvolvemento do sector equino.

EXPÓN:
 Que autoriza a Consellería do Medio Rural para incluír e facer público, nos rexistros de axudas, subvencións e convenios e de sancións, regulados no Decreto 132/2006, do 27 de xullo, os datos relevantes referidos ás axudas e subvencións recibidas, así como ás sancións impostas; e que autoriza a Consellería do Medio Rural para o tratamento necesario dos seus datos, para os efectos de dar cumprimento ao previsto no artigo 13.4º da Lei 4/2006, do 30 de xuño, de transparencia e de boas prácticas na Administración pública galega, para publicar na súa páxina web oficial a relación dos beneficiarios e o importe das axudas concedidas.

En cumprimento do disposto no artigo 5 da Lei orgánica 15/1999, de protección de datos de carácter persoal, infórmo/a de que os datos persoais recollidos nesta solicitude se incorporarán a un ficheiro para o seu tratamento coa finalidade da xestión deste procedemento. Vostede pode exercer os dereitos de acceso, rectificación, cancelación e oposición previstos na lei, dirixindo un escrito a esta consellería como responsable do ficheiro (o enderezo figura ao pé desta solicitude).

LEXISLACIÓN APLICABLE - Orde do 18 de febreiro de 2009 pola que se establecen as bases reguladoras das axudas destinadas ao sector equino para o seu fomento e desenvolvemento, no ámbito da Comunidade Autónoma de Galicia, e se convocan no ano 2009. -Real decreto 1643/2008, do 10 de outubro, que establece as bases reguladoras das subvencións estatais destinadas ao sector equino.
SINATURA DO/A SOLICITANTE OU PERSOA QUE O/A REPRESENTA Lugar e data _____, de _____ de 2009 _____ Conselleiro do Medio Rural

(Para cubrir pola Administración)		NÚMERO DE EXPEDIENTE
RECIBIDO	[]	_____
REVISADO E CONFORME	[]	DATA DE ENTRADA
		____/____/____
		DATA DE EFECTOS
		____/____/____
		DATA DE SAÍDA
		____/____/____

ANEXO V

DECLARACIÓN DE AXUDAS

D/Dna. , en nome propio ou en representación da entidade
 con DNI ou CIF da entidade e domicilio
social en .

DECLARO:

Que non solicitei e non me concederon axudas, para o mesmo proxecto, das distintas administracións públicas competentes ou calquera dos seus organismos, entes ou sociedades, así como que non existen outros ingresos ou recursos que financien o proxecto, e que non estou incurso nalgunha das causas de prohibición previstas na normativa aplicable en materia de subvencións.

Que solicitei e me concederon axudas, para o mesmo proxecto, das distintas administracións públicas competentes ou calquera dos seus organismos, entes ou sociedades, así como outros ingresos ou recursos que financien o proxecto, e que non estou incurso nalgunha das causas de prohibición previstas na normativa aplicable en materia de subvencións, a saber:

Lugar e data

, de de 200

Asdo.:

ANEXO VI

D/Dna. con NIF
e domicilio en , concello de
Teléfono: correo electrónico:

DECLARO E COMPROMÉTOME A:

Ter a/s explotación/s equina/s inscrita/s no Rexistro Xeral de Explotacións Gandeiras conforme o Real decreto 479/2004, do 26 de marzo, polo que se establece e regula o Rexistro Xeral de Explotacións Gandeiras, como explotación de reprodución e produción, así como dispoñer do correspondente libro de explotación actualizado que se estableza regulamentariamente para os équidos e identificar os seus animais conforme a normativa vixente co código Rega de explotación/s:

Cumprir coas normas mínimas en materia de ambiente, en particular, as relacionadas coa xestión dos subprodutos de orixe animal non destinados ao consumo humano, xerados na súa empresa.

Cumprir coa normativa aplicable en materia de benestar animal, e, en especial, os reais decretos 348/2000, do 10 de marzo, polo que se incorpora ao ordenamento xurídico a Directiva 98/58/CE do Consello, do 20 de xullo de 1998, relativa á protección dos animais nas explotacións gandeiras; 54/1995, do 20 de xaneiro, sobre protección dos animais no momento do seu sacrificio ou matanza, e 1041/1997, do 27 de xuño, polo que se establecen as normas relativas á protección dos animais durante o seu transporte.

Aplicar os programas sanitarios establecidos polas autoridades competentes e efectuar o rexistro dos tratamentos medicamentosos conforme o Real decreto 1749/1998, do 31 de xullo, polo que se establecen as medidas de control aplicables a determinadas substancias e os seus residuos nos animais vivos e os seus produtos.

Acreditar a capacidade e competencias profesionais adecuadas por parte do titular da explotación ou responsable dos animais.

Aplicar na miña explotación os programas aprobados pola Consellería do Medio Rural á entidade previamente mencionada.

Lugar e data

, de de 200

Asdo.: